



UPA 2015/113

Tillie Martinussen

4. maj 2015

**Hjemme dialyse Nunatsinni atornerqarsinnaanersoq misissoqqullugu, tamannalu anguniarlugu Naalakkersuisut kingusinnerpaamik UPA 2016-imut Inatsisartunut inner-suussillutik saqqummiussassamik suliaqaqqullugit Inatsisartut aalajangiiffigisassaattut siunnersuut.**

(Inatsisartunut ilaasortaq Mimi Karlsen, Inuit Ataqtigiit)

(Siullermeenera)

Demokraatini isumaqarpugut siunnersuut manna pitsaasuusooq ajunngisaarutaallunilu. Dialysit marluupput, P-dialyseмик taaneqartartoq (peritonedialyse) aamma H-dialyseмик taaneqartartoq (hæmodialyse). P-dialyse sivisujaamik tigumminikuuarput nunatsinnilu suliarisinnaallugu. Tamanna pisinnaavoq napparsimasumut toqqissisimanartumik.

H-dialyse suli tigunikuungilarput aamma tapersersunngilarput tiguneqarnissaa. Imaanngilaq isumaqaratta dialysertittartut perulunnerminni pitsaasumik atugaqassanngitsut, pissutaavoq ilinniarsimasunik immikkut piginnaanngorsaaqqaartariaqarnissaq, attassinnaanngikkallakkatsinnik toqqissisimanartumik taamaattumillu akitsorsaataasussaq napparsimasut amerlassusaat eqqarsaatigalugit, ajoraluartumik.

Massakkorpiaq Kalaallit Nunatsinni napparsimasut pingasut H-dialysertippat aamma sullivik qaffasissumik immikkut piginnaasalinnik sulisulik ingerlanneqassappat katsorsartittussat ikinnerpaamik arfineq-pingasusariaqarput. Taamaanngippat piginnaanitik annaanaversaarsinnaanngilaat.

Aamma H-dialyse ingerlanneqartassappat avatangiisit pillugit sakkortuunik piumasqaateqarpoq, ilaatigut periarfissaqartariaqarluni teknikkikkut ikiornerqarsinnaanissaq atortorissaarutit qamittuussagaluarpata aamma imermik 100 %-nik ipiissuseqartumik pisoqarsinnaasariaqarpoq innaallagissamillu pilersuisoqarsinnaasariaqarluni qulliit qamikkaluarpataluunniit, aamma



nakorsaaserinikkut arlalinnik ajornartorsiortoqaleriataarsinnaavoq ernginnaq  
nakorsarneqarnissamik pisariaqartitsisussat.

Peqqinnissaqarfiup immikkoortumi ineriartorneq malinnaavigereermagu massakkullu Kalaallit  
Nunatsinni taamatut katsorsarneqartussat napparsimasut pingasuinnaammata, isumaqarpugut  
tunngavissaqanngikkallartoq pineqartoq pillugu iliuusissanut pilersaarusiortoqarnissaa,  
taamaattumik innersuussutigaarput siunnersuut itigartinneqassasoq.